

cognitæ. Quadrupedum variarum hic ingens copia, puta cervorum, cuniculorum, Saquenocorum, & Moquowocorum, qui sunt gratissimi saporis, cuniculisque majores. Vrsi coloris sunt nigri, sciuri cinerei. Diversa hic etiam volatilium, pisciumque species. Est & graminis species, ex quo Angli sericum pararunt. Arbores pene infinitæ picem, resinam, terebinthinam, & similes succos fundunt. Sassafras hic crescit, guajacan, & cedrus, magna copia. Indigenæ pelle cervina aut alterius feræ ab umbilico ad genua demissis pudenda velant. Ingenio valent, religionis aliquam formam habent, & animorum immortalitatem credunt. Arma eorum sunt arcus & sagittæ ex artindinibus, scuta è corticibus. Pagi ipsorum, decem, duodecim domiciliis, maximi viginti constant, palis lignæ septi.

Florida continens est, fertilis & plurimis locis culta. Ioannes Pontius Legionensis anno 1512 invenit. Regionis hujus temperies Castiliensi in Hispania similis est. Nam eadem frumentum species ibi reperiuntur, solumque aendo pecori triticoque seminando peropportunitum est. Nullæ hic auri venæ. Silvæ arboribus fructiferis infructiferisque abundant. Inter eas eminet, quam Barbari Pavame, Galli sassafras appellant, remedium contra passionem colicam, luem Venereum, aliosque morbos. Diversæ hic sunt feræ, cervi, lupi, leopardi, aliæque. Variæ similiter volucres, perdices, psittaci, ardeæ, grues, aliæque innumeræ. Quam plurimas herbas producit hæc regio, ad varios colores exprimendos idoneas. Viri statura sunt grandi & corpore bene compacto, tergore cervino pudenda tegunt. Simulandi dissimulandique artifices, bellicosi: arma sunt arcus & sagittæ, quas piscium dentibus aut lapillis asperant. Fœminæ eodem sunt corporis habitu. Tanta autem eorum est agilitas, ut etiam fœminæ altissima flumina, infantes suos complexæ, natu superent, & in altissimas arbores enitantur.

Yucatana provincia peninsula est. Tota autem regione videre est ædifica ingentia è saxis substructa, quod mirum, quum ferramentis atque omni metallo caruerint; quæ hædum dubio tempa fuerunt, nam privatorum ædes fere lignæ erant & stramine teæta. Aëris temperies hic præfervida est. Nullæ hic auri vel alterius metalli venæ, non triticum, nec nullæ Europææ fruges. Abundat provincia cervis, apries, & similibus feris. Hodie hic ingens reperitur gallinarum copia, gossipium quoque & herba, è qua fit Anil, paßim hic colitur. Dividunt peninsulam hanc per transversum modici montes in duas partes, quarum australis deserta & inculta permanit, Septentrionalis est frequentissima.

Primaria hujus regionis civitas est Merida, ubi Præfectus regis cum aliis regiis ministris America.

plerumq; degit; ibide & templum est Cathedrale. Secunda urbs est Valladolid. Hic sumptuosum monasterium est Franciscanorum, inq; agro hujus urbis supra 40000 Barbarorum Hispanis tributum pendunt. Tertia est S. Francisci de Campeche. Accepit ab hoc oppido nomen ligni quoddam genus, quo tinctoræ utuntur, quodque magna copia infertur Europæ. Interceptum fuit ab Anglis anno 1596, ab Hollandis 1633. Quarta urbs dicitur Salamanca, sita in provincia Bacalar, sive Chetemal.

Provincia Tabascensis Yucatanæ præfecturæ annumeratur. Solum maxima parte planum est & uliginosum crebris paludibus & stagnis pervium, in quib; varii pisces inveniuntur, nihil omnino plurimis nemoribus opacum. Solum ubertimum armentis pabulum abunde subministrat, maizium & cacoum reddit magno cum foenore. Plurimæ hic vites, fucus, mala aurea & citrea. Silva sponte sua optimos fructus producunt, inter quos mameyes excellere fertur. Multos regio alit leones, apros, cervos, damas, tigres, tepeyzquintes, yguanas, aliasque feras, & diversa volatilia.

Vnum in hac provincia oppidum incolitur ab Hispanis, quod, gentili nomine Tabasco, saepius tamen *La villa de Nuestra Señora de la Victoria* nominant, in memoriam prælii prosperè juxta hunc locum à Cortesio contra indigenas pugnati, quum primam in Novam Hispaniam expeditionem susciperet.

Audientia, sive Conventus juridicus Guatimalæ divisa est ab Hispanis in 13 provincias particulares, nimurum Chiapam, Soconuscum, Suchitepecum, Guatimaliam proprie dictam, Veram Pacem, Ysalcos, S. Salvatoris, & S. Michaëlis provincias, Honduras, Chulutecam, Nicaragua, Taguzgalpam & Costam Ricam. Episcopatus & provincia Chiapa in mediterraneis sita est. Incoluerunt eam quondam quatuor diversæ nationes. Chiapanenses, Zoques, Zeltales atque Quelenes. Regio est arborum diversarum, herbarum, olerum, & florum fercissima. Hispani hic in valle rotunda civitatem Realem ædificarunt. Provincia Soconusci solum feracissimum est arborum, quæ cacatum ferunt. Vnicum oppidum ab Hispanis habitatur Guevetlan, sedes Gubernatoris. Iuxta hanc provinciæ sunt Suchitepecum & Guasacapa, in quibus rari incolæ: præcipua merces sunt Cacaum. Vera Pax abundat fructibus, piscibus, aliisque necessariis. Guatimala proprie dicta aëre est temperato. Maizium, gossipium, triticum, aliisque fructus abunde hic proveniunt, nimur mala aurea, limones, ficus & cacaum. Balsamum insuper fert, aliumque liquorem aromaticum instar olei, & sulphur absolutissimum.

In provincia Yzalcos tantus cacai est prævenitus, uti fructus, qui quotannis in Novam Hispaniam